



UNIVERSITÄTS-
BIBLIOTHEK
PADERBORN

Practica Octaviani Vestrii I. C. Foro Corneliensis

Vestri, Ottaviano

Coloniae Agrippinae, 1597

VD16 V 940

De audientia Cameræ apostolicæ, eiusq[ue] ditione ac membris.

[urn:nbn:de:hbz:466:1-63002](https://nbn-resolving.org/urn:nbn:de:hbz:466:1-63002)

tum in Curia Romana versetur lippis (ut dicitur & tonsori-
bus patet. Gomefius commentarium satis curiose fecit, quem
appellant tractatum breuium, ad eum ergo confugas. Nico-
laus Antonius Grauius.

LIBER II.

DE AUDIENTIA CAMERAE APO- STOLICAE, eiusq; ditione ac mem- bris.

C A P. I.

S V M M A R I V M.

- 1 Camera Apostolica audientia, quare sic vocetur,
& cur sex praelatos domesticos, qui clerici came-
mera appellatur, Pontifex sibi adsciuerit, & quid
in ipsa camera tractetur, & nu. 3.
- 2 Secretarij domestici munus, quale sit apud Ponti-
ficem.
- 4 Camerarius hodie succedit in locum procurato-
ris Caesaris.



ERVMA cum superius aliqua de
Camera apostolica obiter dix-
imus, nunc locus est, ut de ea ve-
rius loquamur. Vocatur * autem
audientia Camerae apostolicae, ea
ut opinor ratione, quod esset audientia Pontificis
domestica, in qua Pontifex pleraque per seipsum
tractabat, & audiebat: pro quibus facilius agen-
dis adsciuerat sibi Pontifex sex Praelatos domesti-
cos, quos propterea camerae Apostolicae Cleri-
cos vocamus, quasi ad cameram ipsius Pontif.
ele-

electos, κληρὸς, enim apud Græcos sortem siue sorte electum significat, quo exemplo & omnes, qui ad cultum diuinæ rei eliguntur, clericos quoque vocamus. Hi erant ipsius Pont. consiliarij domestici, apud quos tractabat Pontif. omnia, quæ ad dispositionem suam seorsum à sacro senatu spectant, utpote regimen urbis ac totius status temporalis: rationes quoque vniuersi Aerarij. Hic etiam Pontif. viros magistratibus dabat, vel potius contra vrbi & Prouincijs præterquam Sedis Legatos, vnde etiam hodie quotquot dantur in manibus Reuerendiss. Camerarij fidum exercitium iureiurando promittunt. Hic si cum Ponti. de rebus publicis ad suam dispositionem spectantibus contrahendum erat, & tractabantur & celebrabantur contractus. Hic literæ beneficiales, veluti per cancellariam expediri solent, si supplices hanc expeditionis viam sibi elegerint, vel propter subiectam materiam, vel propter aliquam narrationis speciem gratia non esset per cancellariam expeditibilis, & propterea expressam desideraret Pontif. iussione, prout supra, vbi de hac expeditionis via loquuti fuimus, fusius scripsimus. Hic autem contra eos utroque seu altero Ecclesiæ gladio feriendos statuebantur poenæ, cum prophana, tum etiam Ecclesiastica, prout & qualitas personæ, & natura facti exposulasset. Hic si de publicis functionibus & vectigalibus tum ecclesiasticis ex vniuerso orbe, tum temporalibus ex statu Ecclesiæ, siue inter priuatos, seu vniuersitates, siue inter priuatū, & fiscum esset controuersia audiebatur causa. Hic deniq; subditi omnes in partibus grauati ex vniuerso statu Ecclesiæ temporali, veluti ad

ad supremam & propriam ipsius Ponti. audientia via appellationis, vel aliàs conuolare solent, sed rebus Romanæ Ecclesiæ auctis, adeò multiplicabant negotia & causæ, vt Pontif. paulatim ab his muneribus se reuocans, rarò in hac audientia conuenit, nisi vbi de grauioribus grarij, aut annonæ rebus, vel de mala diplomatum expeditione agatur. Amplius & nonnulla quoque ex præmissis consuevit hodie per se ipsum seorsum à camerali hac audientia expedire, vtpote electiones ad magistratus, & alia, si quæ sunt grauiora, vel aliàs videantur Pont. ad partem expedienda, in quorum exequutionem viros adsciuit sibi alterius ordinis, nempe familiares quosdam à secretis, quos * secretarios domesticos vocamus. Intra quem ordinem adsciuit sibi nostræ ætate Diuus Paulus Hieronymum Dandinum Cæsennatem virum adeò obsequentis, & agilis ingenij, vt nihil sit, quamuis cæteris non ferendū, quòd omne non sit sibi factu facillimum. Reliqua munera, quæ suprà diximus soler nostris temporibus audientia ista cameralis seorsum à Pontif. exercere, aliqua etiam per nonnullos ministros pro commodiori omnium exercitio dictæ cameræ insitos, quorum tamen vota sunt in ipsa audientia consultoria duntaxat, quorum aliqui habent audientiam seorsum à camera, quasi foraneam pro faciliiori forensium expeditione: de quibus eorumque proprijs muneribus nunc dicemus.

ANNOTATIONES.

- a Verum.) Etsi * Camere Apostolicæ officium longè ante à Cardinalibus, quàm Vicecancellariæ munus fuerit commissum

missum, veluti Gomeſius probat in proximo regularum Cancellarie, vt dici videatur, Camerarium Vicecancellario antereferendum, tamen ea, quam superius demonſtrauimus ratione, quia Vicecancellarius iustitie ſceptrum habet, eidem primus post Pontificem in vrbe locus datur, Camerario vero secundus, cuius quidem magna est potestas. Hic enim de Vrbs regimine ſtudium habet. & curam hic Ecclesie patri-
monio fiscoque preest cap. ad Audientiam, de preſcrip. & in Clem. ne Romani, de electione. De cuius potestate atque dignitate Card. Zabari. & Bonifacius Vitalinus eo loci nonnihil attingunt, vbi post glo. in verbo Camerarium, illud inter cetera memorie prodiderunt, ad camerarium pertinere, Ecclesie redditus pauperibus erogare. Quod diuum Laurentium fecisse legitur tyranno dicentem: Theſauros, quos quæris, manus pauperum deportauerunt. Et hinc descendit, quod morte Pontificis hoc Camerarij officium non finitur: ne interim pauperes, qui alendi sunt fame perirent. 86. distin. cap. Pasce. Et ne etiam ecclesie redditus negligantur, sine quibus ſpiritualia diu eſſe non poſſunt. 1. q. 3. si quis abiecerit, & ca. cum secundo, de prebend. Quem^{*} ſanè Camerarium, locum Procuratoris Caſaris hodie vendicare, cenſuerunt Capic. dec. 97. & Iuriſconſultiſſimus preceptor meus. D. Ioannes Bolognetius in rubri. ff. de officio eius, cui mand. eſt iuris. d. num. 17. Qui quidem Camerarius, cum Apoſtolice camere caput ſit, fiscoque preſit, hac in re Prefecto prætorio equiparari etiam poteſt, auth. de collatoribus, §. eos autem, & l. vltim. de exact. tribut. lib. 10, quibus in locis Comes ſacrarum largitionum, qui theſauri cuſtodiam habebat. Prefecto prætorio rationes reddere tenebatur. Auguror quoque Camerarium loco præſidiarij ſucceſſiſſe, cuius quanta olim fuerit potestas ſatis patet. Quanquam Budæus & Pyrrhus arbitrentur Aerarij Prefectos hodie illos vocari poſſe, qui generales ſumantiarum in Francia appellantur. Nicolaus Anto. Granatius.